



Ráitis Airgeadais

An tÚdarás Rialála Seirbhísí Maoine

Don bhliain dar chríoch an 31 Nollaig 2022



AN tÚDARÁS RIALÁLA SEIRBHÍSÍ MAOINE

CLÁR

LEATHANACH

Faisnéis Ghinearálta	3
Ráiteas Rialachais agus Tuarascáil Chomhaltaí an Bhoird	4 - 8
Ráiteas maidir le Rialú Immheánach	9 - 12
Tuarascáil an Iniúcháir	13 - 14
Ráiteas maidir le hIoncam agus Caiteachas agus Cúlchistí Ioncaim Coinnithe	15
Ráiteas maidir leis an Staid Airgeadais	16
Ráiteas maidir le Sreabhadh Airgid	17
Nótaí a ghabhann leis na Ráitis Airgeadais	18 - 24



AN tÚDARÁS RIALÁLA SEIRBHÍSÍ MAOINE

FAISNÉIS GHINEARÁLTA

Ceannoifig an Údaráis Rialála Seirbhísí Maoine
Foirgnimh na Mainistreach
Bóthar na Mainistreach
An Uaimh
Co. na Mí
C15 K7PY

Comhaltaí Boird Michael Quinlan (Cathaoirleach)
Ella Dunphy
Emer Byrne
Gordon Hughes
Aideen Hayden Uasal
Hilary Griffey Uasal
Muiris Ó Céidigh
Orla Moran
Aine Myler
Geraldine Hynes
Seamus Clifford

Feidhmeannach Sinsearach: Maeve Hogan Uasal, (Príomhoifigeach Feidhmiúcháin)

Uimhir Theileafóin: (046) 903 3800

Uimhir Facs: (046) 903 3888

Láithreán Gréasáin: www.psr.ie

Ríomhphost: info@psr.ie

Iníúcháirí: Oifig an Ard-Reachtair Cuntas agus Ciste
3A Sráid an Mhéara Uachtarach
Baile Átha Cliath
D01 PF72



AN tÚDARÁS RIALÁLA SEIRBHÍSÍ MAOINE

RÁITEAS RIALACHAIS AGUS TUARASCÁIL CHOMHALTAÍ AN BHOIRD

Rialachas

Bunaíodh Bord an Údaráis Rialála Seirbhísí Maoine faoin Acht um Sheirbhísí Maoine (Rialáil), 2011. Leagtar amach feidhmeanna an Údaráis i gCuid 2 Alt 10 den Acht seo. Tá an tÚdarás freagrach don Aire Dlí agus Cirt agus freagrach as rialachas maith a chinntiú a chuirtear i gcrích trí chuspóirí agus spriocanna straitéiseacha a leagan amach agus trí chinntí straitéiseacha a dhéanamh ar gach saincheist ghnó. Is ar an bPríomhoifigeach Feidhmiúcháin agus ar an meitheal ardbhainistíochta a leagtar an fhreagracht as an ngnáthbhainistíocht ó lá go lá agus as an Údarás Rialála Seirbhísí Maoine a rialú agus a stiúradh. Ní mór don Phríomhoifigeach Feidhmiúcháin agus don mheitheal ardbhainistíochta an stiúir straitéise ghinearálta arna leagan amach ag an Údarás a leanúint agus a chinntiú go mbíonn tuiscint léir ghlan ag gach comhalta den Údarás ar na bearta agus ar na cinntí príomhthábhachtacha a bhaineann leis an eintiteas agus ar ábhar suntasach baoil a d'fhéadfadh a theacht chun cinn. Feidhmíonn an Príomhoifigeach Feidhmiúcháin mar cheangal díreach caidrimh idir an Údarás agus lucht bainistíochta an Údaráis Rialála Seirbhísí Maoine.

Freagrachtaí an Údaráis

Leagtar obair agus freagrachtaí an Údaráis amach san Acht um Sheirbhísí Maoine (Rialáil), 2011, ina luaitear chomh maith na nithe sin ar leis an Údarás amháin cinneadh a dhéanamh ina leith. Ar na réimsí oibre a bhíonn ar chlár oibre an Údaráis lena meas go rialta, áirítear:

- dearbhú leasanna,
- tuarascálacha ó choistí,
- tuarascálacha airgeadais/cuntais bhainistíochta,
- tuairiscí ar chúrsaí feidhmíochta (ráitis straitéiseacha),
- clár riosca,
- staitisticí.

Ceanglaítear faoi Alt 22(2) den Acht um Sheirbhísí Maoine (Rialáil), 2011 ar an Údarás d'Údarás Rialála Seirbhísí Maoine chun gach cuntas cuí agus rialta a choimeád ar airgead a fuair sé nó a chaith sé, i cibé foirm a fhaomhfaidh an tAire Dlí agus Cirt le toiliú ón Aire Caiteachais Phoiblí, Sheachadadh PFN agus Athchóirithe.

Agus na ráitis airgeadais seo á n-ullmhú, ceanglaítear ar Údarás an Údaráis Rialála Seirbhísí Maoine:

- beartais chuntasaíochta oiriúnacha a roghnú agus iad a fheidhmiú go seasta,
- breithiúnais agus meastacháin a dhéanamh atá réasúnach agus stuama;
- na ráitis airgeadais a ullmhú ar bhonn an ghnóthais leantaigh, sin mura mbíonn sé mí-oiriúnach glacadh leis go leanfaidh an comhlacht lena ghnó, agus
- a rá cibé ar ullmhaíodh na ráitis airgeadais de réir na gcaighdeán cuntasaíochta infheidhme, faoi réir ag aon imeacht ábhartha a nochtar agus a mhínítear sna ráitis airgeadais.

Tá an tÚdarás freagrach as taifid chuntasaíochta leordhóthanacha a choimeád a nochtann, go réasúnta cruinn ag aon tráth ar bith, a staid airgeadais agus a chuirfidh ar a chumas a chinntiú go bhfuil na ráitis airgeadais mar atá dlite faoi Alt 22(2) den Acht um Sheirbhísí Maoine (Rialáil), 2011. Is ar an Údarás a leagtar an fhreagracht maidir le heolas corparáide agus faisnéis airgeadais a chur ar fáil ar láithreán gréasáin an Údaráis Rialála Seirbhísí Maoine agus maidir le hiomláine an ábhair sin.



AN tÚDARÁS RIALÁLA SEIRBHÍSÍ MAOINE

RÁITEAS RIALACHAIS AGUS TUARASCÁIL CHOMHALTAÍ AN BHOIRD

Is é an tÚdarás atá freagrach as an bplean agus buiséad bliantúil a cheadú. Rinneadh athbhreithniú maidir le feidhmíocht an Údaráis Rialála Seirbhísí Maoine i gcomórtas leis an bplean bliantúil agus leis an mbuiséad an 28 Feabhra 2022.

Tá an tÚdarás freagrach freisin as a shócmhainní a chosaint agus as sin, céimeanna réasúnacha a ghlacadh chun calaois nó mírialtachtaí eile a chosc agus a bhrath.

Measann an tÚdarás go gcuireann ráitis airgeadais an Údaráis Rialála Seirbhísí Maoine feidhmíocht airgeadais agus staid airgeadais an Údaráis Rialála Seirbhísí Maoine i láthair amhail an 31 Nollaig 2022.

Struchtúr an Údaráis

Tá an tÚdarás comhdhéanta de Chathaoirleach agus deichniúr gnáthchomhaltaí atá ceaptha ar fad ag an Aire Dlí agus Cirt. Ceapadh comhaltaí an Údaráis ar feadh tréimhse ceithre bliana agus tháinig siad le chéile 4 huairé le linn na bliana 2022 le haghaidh cruinnithe reachtúla. Tugtar sainmhíniú sa tábla thíos ar na tréimhsí ceaptha maidir le comhaltaí reatha:

Comhalta Údaráis	Ról	Dáta a Ceapadh/*a Athcheapadh
Michael Quinlan	Cathaoirleach	24/03/2021
Muiris Ó Céidigh	Comhalta	*28/11/2020
Aideen Hayden	Comhalta	*28/11/2020
Hilary Griffey	Comhalta	*28/11/2020
Ella Dunphy	Comhalta	15/04/2019
Gordon Hughes	Comhalta	15/04/2019
Emer Byrne	Comhalta	15/04/2019
Orla Moran	Comhalta	15/04/2019
Aine Myler	Comhalta	24/03/2021
Geraldine Hynes	Comhalta	24/03/2021
Seamus Clifford	Comhalta	24/03/2021

Rinneadh athbhreithniú inmheánach ar an Údarás in 2022.

Tá dhá choiste curtha ar bun ag an Údarás mar seo a leanas:

- Coiste Iniúchta agus Riosca:** atá comhdhéanta de bheirt de chomhaltaí an Údaráis agus beirt comhaltaí neamhspleácha. Is é ról an Choiste Iniúchta agus Riosca ná tacaíocht a thabhairt don Údarás maidir lena chuid freagrachtaí i ndáil le saincheisteanna a bhaineann le riosca, rialú, rialachas agus dearbhú ina leith sin. Tá an Coiste Iniúchta agus Riosca neamhspleách ar lucht bainistíochta airgeadais na heagraíochta. Go sonrach, áiríthíonn an Coiste go ndéantar monatóireacht ghníomhach agus neamhspleách ar na córais um rialú inmheánach, lena n-áirítear gníomhaíochtaí iniúchta. Tuairiscíonn an Coiste Iniúchta agus Riosca chuig an Údarás i ndiaidh gach cruinnithe. Is iad a leanas comhaltaí an Choiste Iniúchta agus Riosca: Ella Dunphy Uasal (Cathaoirleach), Hilary Griffey Uasal (a d'éirigh as an 1 Meitheamh 2022), Orla Moran Uasal (ceaptha an 27 Iúil 2022), an tUasal David Salter (neamhspleách) (a d'éirigh as an 1 Meitheamh 2022), an tUasal Bryan Wickham (Neamhspleách) agus an tUasal Michael Walsh (Neamhspleách) (Ceaptha an 01/07/2022). Bhí 4 chruinniú ag an gCoiste Iniúchta agus Riosca in 2022.



AN tÚDARÁS RIALÁLA SEIRBHÍSÍ MAOINE

RÁITEAS RIALACHAIS AGUS TUARASCÁIL CHOMHALTAÍ AN BHOIRD

2. Coiste Comhairleach an Chiste Cúitimh: comhdhéanta de thriúr comhaltaí den Údarás.

Bhí Coiste Comhairleach an Chiste Cúitimh comhdhéanta de thriúr comhaltaí den Údarás an 1 Eanáir 2022. Hilary Griffey Uasal, an Dr. Aileen Hayden agus an Dr. Muiris Ó Céidigh. Bunaíodh coiste nua i Meán Fómhair 2022 agus tá sé comhdhéanta de thriúr comhaltaí den Údarás: An Dr. Muiris Ó Céidigh (Cathaoirleach), Geraldine Hynes Uasal agus Emer Byrne Uasal. Measann an Coiste Comhairleach iarratais le haghaidh deontas ar an gCiste Cúitimh agus molann an Coiste Comhairleach go mbronntar, go mbronntar i bpáirt nó go ndiúltaítear éilimh ar dheontas chuig Bord an Údaráis. Tháinig an Coiste le chéile 4 huairé le linn na bliana, an 01 Márta 2022, an 02 Meitheamh 2022, an 21 Meán Fómhair 2022 agus an 15 Samhain 2022 nuair a measadh na héilimh ar an gCiste.

Sceideal maidir le cúrsaí Tinrimh, Táillí agus Costais

Leagtar amach thíos sceideal maidir le cúrsaí tinrimh ag cruinnithe an Bhoird agus an Choiste do 2022 lena n-áirítear táillí agus costais a fuair gach comhalta:

	An Bord (Ginearál ta) 7	An Bord (Tuarascáil Deiridh Fiosrúcháin) * 10	Coiste an Chiste Cúitimh 4	Coiste Iniúchta agus Riosca 4	Táillí 2022 €	Costais 2022 €
Michael Quinlan	7	-	-	-	8,978	-
Muiris Ó Céidigh	6	4	4	-	-	-
Aileen Hayden	6	5	2	-	5,985	-
Hilary Griffey	7	4	2	2	5,985	18
Gordon Hughes	7	3	-	-	5,985	458
Orla Moran	7	6	-	2	5,985	-
Ella Dunphy	7	3	-	4	5,985	-
Emer Byrne	7	7	2	-	-	-
Geraldine Hynes	6	6	2	-	5,985	-
Áine Myler	7	2	-	-	5,985	-
Seamus Clifford	7	2	-	-	-	-
David Salter	-	-	-	2	707	-
Brian Wickham	-	-	-	4	1,697	-
Michael Walsh	-	-	-	2	707	-
					53,984	476

Bhí triúr comhaltaí den Údarás, an Dr. Muiris Ó Céidigh, Emer Byrne Uasal agus an tUasal Seamus Clifford, nach bhfuair táillí Boird de réir phrionsabail (OPOS), an tAon Tuarastail Amháin d'Aon Duine Amháin.

* Tháinig córam den Bhord le chéile deich n-uaire breise in 2022 chun monatóireacht a dhéanamh ar na Tuarascálacha Deiridh Fiosrúcháin.



AN tÚDARÁS RIALÁLA SEIRBHÍSÍ MAOINE

RÁITEAS RIALACHAIS AGUS TUARASCÁIL CHOMHALTAÍ AN BHOIRD

Athruithe ar Phríomhphearsana

Níor tharla aon athruithe ar phríomhphearsana i rith na bliana 2022.

Nochtaí a Éilítear faoin gCód Cleachtais chun Comhlachtaí Stáit a Rialú (2016)

Tá an tÚdarás freagrach as a chinntiú gur chomhlíon an tÚdarás Rialála Seirbhísí Maoine ceanglais an Chóid Cleachtais chun Comhlachtaí Stáit a Rialú ("an Cód") arna fhoilsiú ag an Roinn Caiteachais Phoiblí, Sheachadadh PFN agus Athchóirithe i mí Lúnasa 2016. Éilítear na nochtaí a leanas faoin gCód:

Miondealú ar shochair ghearrthéarmacha fostaithe

Áirítear i Nóta 4 (b) – Miondealú ar shochair fostaithe - tábla ina ndéantar miondealú ar shochair ghearrthéarmacha fostaithe.

Costais Chomhairleoireachta

Áirítear le costais chomhairleoireachta an costas a ghabhann le comhairle sheachtrach ar an lucht bainistíochta agus ní thugtar feidhmeanna 'ghnáthdhéanamh an ghnó' seachfhoinsithe san áireamh.

	2022	2021
	€	€
Comhairle dlí	67,262	39,118
Comhairle AD	-	29,828
Iomlán	67,262	68,946

Costais agus Socraíochtaí Dlí

Sa tábla thíos léirítear miondealú ar shuimeanna a aithnítear mar chaiteachas sa tréimhse tuairiscithe maidir le socraíochtaí, imeachtaí comhréitigh agus eadrána i ndáil le conarthaí le tríú páirtithe. Ní chuimsítear caiteachas a tabhaíodh maidir le comhairle ghinearálta dlí a fuair an tÚdarás Rialála Seirbhísí Maoine agus a nochtar sna costais Chomhairleoireachta thuas.

	2022	2021
	€	€
Táillí Dlí - imeachtaí dlí	118,584	144,700
Iomlán	118,584	144,700



AN tÚDARÁS RIALÁLA SEIRBHÍSÍ MAOINE

RÁITEAS RIALACHAIS AGUS TUARASCÁIL CHOMHALTAÍ AN BHOIRD

Caiteachas Taistil agus Cothabhála

Déantar caiteachas taistil agus cothabhála a chatagóiriú mar seo a leanas:

	2022	2021
	€	€
In Éirinn		
- An Bord	476	-
- Fostaithe	4,105	315
Iomlán	4,581	315

Caiteachas Fáilteachais

Tabhaíodh €5,062 (€0 in 2021) i gcaiteachas fáilteachais in 2022.

Ráiteas maidir le Comhlíonadh

Tá an Cód Cleachtais chun Comhlachtaí Stáit a Rialú (2016) glactha ag an Údarás agus tá nósanna imeachta curtha i bhfeidhm chun comhlíontacht leis an gCód a chinntiú. Bhí an tÚdarás Rialála Seirbhísí Maoine ag comhlíonadh go hiomlán leis an gCód Cleachtais chun Comhlachtaí Stáit a Rialú (2016) do 2022.

Thar ceann an Údaráis Rialála Seirbhísí Maoine:

Maeve Hogan Uas., Príomhoifigeach Feidhmiúcháin:

Dáta: 12 Nollaig 2023

An tUasal Michael Quinlan, Cathaoirleach:

Dáta: 12 Nollaig 2023



AN tÚDARÁS RIALÁLA SEIRBHÍSÍ MAOINE

RÁITEAS MAIDIR LE RIALÚ INMHEÁNACH

Scóip na Freagrachta

Thar ceann an Údaráis Rialála Seirbhísí Maoine, admhaím an fhreagracht atá ar an Údarás a chinntiú go ndéanfar córas éifeachtach um rialú inmheánach a chothabháil agus a fheidhmiú san Údarás. Glactar san áireamh sa fhreagracht seo ceanglais an Chóid Cleachtais chun Comhlachtaí Stáit a Rialú (2016).

Cuspóir an Ráitis maidir le Rialú Inmheánach

Tá an córas um rialú inmheánach leagtha amach chun riosca go leibhéal infhulaingthe a bhainistiú seachas é a chur as an áireamh ar fad. Dá bhrí sin, ní féidir leis an gcóras ach deimhniú réasúnta seachas deimhniú cinnte a thabhairt go bhfuil sócmhainní cosanta, idirbhearta údaraithe agus taifeadta go cuí agus go seachnaítear botúin nó neamhrialtachtaí nó go dtabharfaí faoi deara iad go tráthúil.

Bhí an córas um rialú inmheánach, atá de réir na teorach a d'eisigh an Roinn Caiteachais Phoiblí, Sheachadadh PFN agus Athchóirithe, i bhfeidhm san Údarás Rialála Seirbhísí Maoine don bhliain dar chríoch an 31 Nollaig 2022 agus suas go dtí an dáta ar ceadafódh na ráitis airgeadais.

Rialuithe Inmheánacha atá i bhFeidhm

Tá an tÚdarás sásta go bhfuil na córais atá i bhfeidhm aige, réasúnach agus cuí i ndáil le himthosca an Údaráis ag féachaint dá mhéid, leibhéal caiteachais, acmhainní foirne agus cineál a chuid oibríochtaí. Ach mar sin féin, ní thugann na córais agus ní féidir leis na córais, deimhniú iomlán a sholáthar in aghaidh earráidí ábharacha.

Tá an Cód Cleachtais chun Comhlachtaí Stáit a Rialú a d'eisigh an Roinn Caiteachais Phoiblí, Sheachadadh PFN agus Athchóirithe in 2016 glactha ag an Údarás Rialála Seirbhísí Maoine.

An Acmhainn Déileáil le Riosca

Tá Coiste Iniúchta agus Riosca ag an Údarás Rialála Seirbhísí Maoine atá comhdhéanta de bheirt chomhaltaí den Údarás agus beirt chomhaltaí sheachtracha. I mo Chathaoirleach ar an Údarás, táim sásta gur urscaoil an Coiste Iniúchta agus Riosca a ról go héifeachtach le ceithre chruinniú tionólta in 2022.

Tá beartas bainistíochta riosca ina leagtar amach inghlacthacht riosca, na próisis bainistíochta riosca atá i bhfeidhm athbhreithnithe agus comhaontaithe ag an Údarás.

Is é an tAonad Iniúchta Inmheánaigh sa Roinn Dlí agus Cirt a chomhlíonann feidhm Iniúchta Inmheánaigh an Údaráis Rialála Seirbhísí Maoine faoi fhorghairseacht an Choiste Iniúchta ar Vóta 24 (Ceartas). Is é ról Aonad Iniúchta Inmheánaigh na Roinne Dlí agus Cirt dearbhú neamhspleách a thabhairt don Oifigeach Cuntasaíochta ar éifeachtacht na rialuithe inmheánacha atá i bhfeidhm ar fud an Vóta.

Déanann Aonad Iniúchta Inmheánaigh na Roinne Dlí agus Cirt iniúchadh ar rialuithe airgeadais agus ar rialuithe eile san Údarás gach bliain.



AN tÚDARÁS RIALÁLA SEIRBHÍSÍ MAOINE

RÁITEAS MAIDIR LE RIALÚ INMHEÁNACH

Creat Riosca agus Rialaithe

Tá córas bainistíochta riosca curtha i bhfeidhm ag an Údarás Rialála Seirbhísí Maoine a aithníonn agus a thuairiscíonn na príomhrioscaí agus na gníomhartha bainistíochta atá á nglacadh chun dul i ngleic leis na rioscaí sin agus iad a mhaolú a mhéid agus is féidir.

Tá clár rioscaí i bhfeidhm a aithníonn na príomhrioscaí atá le sárú ag an Údarás agus tá siad sin aitheanta, measúnaithe agus grádú déanta orthu de réir tábhachta. Déanann an Coiste Iniúchta agus Riosca an clár a athbhreithniú agus a thabhairt cothrom le dáta, i gcomhar leis an Ardbhainistíocht. De réir thoradh na measúnuithe sin a dhéantar pleanáil agus dáileadh ar acmhainní ionas go ndéantar an chontúirt ó gach réimse baoil a mhaolú go dtí gur féidir a sheasamh.

Tugtar mioneolas sa chlár rioscaí ar na rialuithe agus na bearta atá ag teastáil chun maolú a dhéanamh ar rioscaí agus ar an bhfreagracht as rialuithe a oibriú a leagtar ar bhaill foirne ar leith. Deimhníonn an tÚdarás go bhfuil timpeallacht rialaithe i bhfeidhm a bhfuil na gnéithe seo a leanas mar chuid de:

- tá doiciméadú á dhéanamh ar nósanna imeachta do gach príomhphróiseas ghnó,
- sannadh freagrachtaí airgeadais ar an leibhéal bainistíochta le cuntasacht chomhfhreagrach,
- tá córas buiséadaithe iomchuí le buiséad bliantúil a bhíonn faoi athbhreithniú ag bainistíocht shinsearach ann,
- tá córais ann atá dírithe ar shlándáil na gcóras teicneolaíochta faisnéise agus cumarsáide a chinntiú, Soláthraíonn Rannán TFC na Roinne Dlí agus Cirt seirbhísí TFC don Údarás Rialála Seirbhísí Maoine. In Eanáir 2022, chuir siad ráiteas dearbhaithe ar fáil inar leagadh amach na próisis rialaithe a bhí i bhfeidhm an tráth sin. Leis an iniúchadh inmheánach ar an gcóras TFC a chuir an Roinn Dlí agus Cirt ar fáil don Údarás Rialála Seirbhísí Maoine sa bhliain 2018, aithníodh go raibh inní ann faoin gcóras a bhí i bhfeidhm agus cuireadh moltaí chun cinn don rannán TFC chun aghaidh a thabhairt air sin. Tá roinnt de na moltaí sin fós le réiteach amhail an 31 Nollaig 2022, agus is ábhar inní é sin don Údarás. Chuir An Post córas iarratais ceadúnais ar líne ar fáil trí Licences.ie thar ceann an Údaráis Rialála Seirbhísí Maoine go dtí Meitheamh 2022. Fuarthas doiciméad dearbhaithe ó An Post i Samhain 2021 maidir le slándáil agus rialuithe an chórais de réir mar a bhí i bhfeidhm i rith na bliana 2022. Chuir An Post deireadh leis an gcóras Licences.ie a sholáthar thar ceann an Údaráis Rialála Seirbhísí Maoine i Meitheamh 2022. Sheol an tÚdarás Rialála Seirbhísí Maoine ardán nua ar líne, prsalicences.ie, i Meitheamh 2022. Tá na sonraí ar fad ón ardán sin stóráilte ar fhreastalaithe TFC na Roinne Dlí agus Cirt agus dá bhrí sin tá siad cumhdaithe faoi Chomhaontú Leibhéil Seirbhíse na Roinne Dlí agus Cirt.
- tá córais i bhfeidhm chun sócmhainní an Údaráis Rialála Seirbhísí Maoine a chosaint, agus
- tá nósanna imeachta rialaithe ann maidir le measúnú agus íocaíochtaí as an gciste cúitimh.

Cuireadh gnéithe ar leith den timpeallacht rialaithe laistigh den eagraíocht in oiriúint chun rioscaí a mhaolú, rioscaí a tháinig chun cinn mar gheall ar na srianta a cuireadh i bhfeidhm san ionad oibre de dheasca Covid-19 agus mar thoradh ar Obair Chumaisc a thabhairt isteach.



AN tÚDARÁS RIALÁLA SEIRBHÍSÍ MAOINE

RÁITEAS MAIDIR LE RIALÚ INMHEÁNACH

Monatóireacht agus Athbhreithniú Leanúnach

Tá Doiciméad Rialaithe Inmheánaigh i bhfeidhm ag an Údarás Rialála Seirbhísí Maoine, ar doiciméad é ina sainaithnítear na rioscaí don Údarás, na rialuithe atá i bhfeidhm agus na nósanna imeachta tuairiscithe agus monatóireachta.

Déanann an tÚdarás na mórchinntí straitéiseacha agus tagann sé le chéile ag eatraimh tráthrialta chun monatóireacht a dhéanamh ar fheidhmíocht agus ar phleananna. Ní ghníomhaíonn an lucht bainistíochta feidhmiúcháin ach de réir an údaráis a tharmligeann an tÚdarás chucu chun éifeacht a thabhairt do bheartais agus do chinntí an Údaráis.

Rinneadh lámhleabhar mionsonraithe nóis imeachta a ullmhú agus a chur i bhfeidhm. Nuair is féidir, déantar dualgais foirne a dheighilt go cuí agus na rioscaí atá ann agus an líon teoranta foirne á gcur san áireamh.

Deimhním go bhfuil na córais monatóireachta leanúnaí seo a leanas i bhfeidhm:

- Sainaithníodh príomhrioscaí agus príomhrialuithe agus cuireadh próisis i bhfeidhm chun monatóireacht a dhéanamh ar oibriú na bpríomhrialuithe sin agus chun aon easnaimh a thuairisciú,
- Tá nósanna imeachta foirmiúla ann maidir le gach cineál earra agus seirbhís a cheannach, maidir le sonraisc a cheadú i ndáil le hearraí agus seirbhísí agus maidir le híocaíocht a údarú i ndáil le hearraí agus seirbhísí.
- Déanann an Príomhoifigeach Feidhmiúcháin athbhreithnithe go tráthrialta ar thuarascálacha tréimhsiúla agus bliantúla feidhmíochta agus airgeadais ina gcuirtear an fheidhmíocht i gcomparáid le buiséid/réamhaisnéisí.
- Tagann nósanna imeachta an Údaráis maidir le rialú airgeadais agus rialuithe eile faoi réir athbhreithniú bliantúil ag an Aonad Iniúchta Inmheánaigh sa Roinn Dlí agus Cirt. Déanann Coiste Iniúchta na Roinne Dlí agus Cirt athbhreithniú ar obair an Aonaid Iniúchta Inmheánaigh.
- Leagadh amach socruithe tuairiscithe ag gach leibhéal ag ar sannadh freagracht as bainistiú airgeadais.

Dearbhuithe

Teicneolaíochtaí Faisnéise agus Cumarsáide

Baineann an tÚdarás Rialála Seirbhísí Maoine leas as an tseirbhís chomhroinnte tacaíochta TFC a chuireann an Roinn Dlí agus Cirt ar fáil. Tá Comhaontú Leibhéil Seirbhíse ann leis an Roinn i ndáil leis an tseirbhís TFC agus tá socruithe i bhfeidhm chun cúltaca a ullmhú i leith chórais an Údaráis Rialála Seirbhísí Maoine. Chuir Bainistíocht Faisnéise agus Teicneolaíocht na Roinne Dlí agus Cirt doiciméad dearbhaithe ar fáil maidir leis na rialuithe a bhí ann sa bhliain 2022.

Chuir An Post córas iarratais ceadúnais ar líne ar fáil trí Licences.ie thar ceann an Údaráis Rialála Seirbhísí Maoine go dtí Meitheamh 2022. Fuarthas doiciméad dearbhaithe ó An Post i Samhain 2021 maidir le slándáil agus rialuithe an chórais de réir mar a bhí i bhfeidhm i rith na bliana 2022. Chuir An Post deireadh leis an gcóras Licences.ie a sholáthar thar ceann an Údaráis Rialála Seirbhísí Maoine i Meitheamh 2022. Sheol an tÚdarás Rialála Seirbhísí Maoine ardán nua ar líne, prsalicences.ie, i Meitheamh 2022. Tá na sonraí ar fad ón ardán sin stóráilte ar fhreastalaithe TFC na Roinne Dlí agus Cirt agus dá bhrí sin tá siad cumhdaithe faoi Chomhaontú Leibhéil Seirbhíse na Roinne Dlí agus Cirt.



AN tÚDARÁS RIALÁLA SEIRBHÍSÍ MAOINE

RÁITEAS MAIDIR LE RIALÚ INMHEÁNACH

Seirbhísí Airgeadais Comhroinnte

Baineann an tÚdarás Rialála Seirbhísí Maoine leas as na seirbhísí comhroinnte airgeadais a chuireann an Roinn Dlí agus Cirt ar fáil. Fuarthas litir dhearbhaithe ón Roinn Dlí agus Cirt maidir le rialuithe i dtaca le soláthar seirbhísí comhroinnte.

Ina theannta sin, baineann an tÚdarás Rialála Seirbhísí Maoine leas as seirbhísí comhroinnte ón Oifig Náisiúnta um Sheirbhísí Comhroinnte atá á riar ag an Roinn Caiteachais Phoiblí, Sheachadadh PFN agus Athchóirithe. Tá an tseirbhís sin cumhdaithe faoi Chomhaontú Leibhéil Seirbhíse atá ann idir an Oifig Náisiúnta um Sheirbhísí Comhroinnte agus an Roinn.

Soláthar

Deimhním go bhfuil nósanna imeachta curtha i bhfeidhm ag an Údarás chun a chinntiú go gcomhlíontar na rialacha agus na treoirlínte reatha maidir le soláthar agus gur chomhlíon an tÚdarás Rialála Seirbhísí Maoine na nósanna imeachta sin sa bhliain 2022. Tá sonraí tugtha ag an Údarás Rialála Seirbhísí Maoine ar dhá chonartha neamhiomaíocha, a raibh luach €239,432 ar an iomlán leo, sa tuairisceán bliantúil maidir le hImlitir 40/2002 don Ard-Reachtair Cuntas agus Ciste agus don Roinn Caiteachais Phoiblí, Sheachadadh PFN agus Athchóirithe.

Athbhreithniú Ar Éifeachtacht

Deimhním go bhfuil nósanna imeachta i bhfeidhm ag an Údarás Rialála Seirbhísí Maoine chun monatóireacht a dhéanamh ar éifeachtacht na nósanna imeachta bainistíochta riosca agus rialaithe. Maidir le hobair an Údaráis Rialála Seirbhísí Maoine i ndáil le monatóireacht agus athbhreithniú ar an gcóras um rialú inmheánach airgeadais, tá sé bunaithe ar obair na n-iniúcháirí inmheánacha agus na n-iniúcháirí seachtracha, ar obair an Choiste Iniúchta agus Riosca a dhéanann formhaoirseacht ar obair na n-iniúcháirí sin agus ar obair an lucht bainistíochta sinsearaí laistigh den Údarás Rialála Seirbhísí Maoine atá freagrach i ndáil leis an gcreat rialaithe inmheánaigh airgeadais a fhorbairt agus a chothabháil.

Deimhním gur thug an tÚdarás faoi athbhreithniú bliantúil ar éifeachtacht na rialuithe inmheánacha don bhliain 2022.

Tá an tÚdarás muiníneach, a mhéid is indéanta, gur córais éifeachtacha iad na córais um rialú inmheánach airgeadais a bunaíodh agus a cuireadh i bhfeidhm san Údarás Rialála Seirbhísí Maoine don bhliain airgeadais dar chríoch an 31 Nollaig 2022.

Saincheisteanna Rialaithe Inmheánaigh

Nochtadh Mionsonraí faoi Chásanna inar tharla Sáruithe ar Rialú.

Níor sainaithníodh aon laigí sa bhliain 2022 maidir le rialuithe inmheánacha ar laigí iad ar gá nochtadh a dhéanamh ina leith sna ráitis airgeadais.

Nochtadh Mionsonraí faoi Chaillteanais Ábhartha nó faoi Chaloais

Níl aon ábhair chaloaise le tuairisciú don bhliain 2022.

An tUasal Michael Quinlan
Cathaoirleach



AN tÚDARÁS RIALÁLA SEIRBHÍSÍ MAOINE

DEIMHNIÚ AN ARD-REACHTAIRE CUNTAS AGUS CISTE



An tArd Reachtair Cuntas agus Ciste An Ard-Reachtair Cuntas agus Ciste

Tuarascáil le cur faoi bhráid Thithe an Oireachtais An tÚdarás Rialála Seirbhísí Maoine

Tuairim ar na ráitis airgeadais

Rinne mé iniúchadh ar ráitis airgeadais an Údarás Rialála Seirbhísí Maoine don bhliain dar críoch an Déardaoin 31 Nollaig 2022 faoi réir fhorálacha alt 22 den Acht um Sheirbhísí Maoine (Rialáil), 2011. Tá na ráitis airgeadais comhdhéanta de

ráiteas ar ioncam agus ar chaiteachas agus ar chúlchistí coinnithe ioncaim

an ráiteas ar an staid airgeadais

an ráiteas maidir le sreabhadh airgid agus

na nótaí gaolmhara, lena n-áirítear achoimre ar na beartais cuntasáíochta suntasacha.

Is é mo thuairim,

go dtugann na ráitis airgeadais léargas ceart ar airgead a fuair nó a chaith an tÚdarás Rialála Seirbhísí Maoine sa bhliain 2022 agus

go bhfuil an staid airgeadais amhail an Déardaoin 31 Nollaig 2022 de réir na mbeartas cuntasáíochta atá leagtha amach sna ráitis airgeadais.

An bonn atá leis an tuairim

Thug mé faoi m'iniúchadh ar na ráitis airgeadais de réir Chaighdeán Idirnáisiúnta Iniúcháireachta (ISAnna) faoi mar atá fógartha ag Eagraíocht Idirnáisiúnta na nInstitiúidí Náisiúnta Iniúcháireachta. Déantar cur síos ar na freagrachtaí atá orm faoi na caighdeáin sin i bhfoscáil na tuarascála seo. Táim neamhspleách ar an Údarás Rialála Seirbhísí Maoine agus tá mo chuid freagrachtaí eitiúla eile comhlíonta agam de réir na gcaighdeán. Measaim go bhfuil an fhianaise iniúchta atá aimsithe agam leordhóthanach agus ábhartha chun bunús a chur le mo thuairim.

Tuairisc ar nithe eile seachas na ráitis airgeadais agus ar nithe eile

Tá faisnéis áirithe eile chomh maith leis na ráitis airgeadais curtha i láthair ag an Údarás Rialála Seirbhísí Maoine. Cuimsítear leis sin an ráiteas rialachais agus an ráiteas maidir le rialú inmheánach. Déantar cur síos ar na freagrachtaí atá orm le tuairisc a thabhairt maidir leis an eolas sin, agus ar ábhair áirithe eile lena dtuairiscím trí eisceacht, i bhfoscáil na tuarascála seo.

Níl tuairisc ar bith le tabhairt agam ina leith sin.

Leonard McKeown
Do agus thar ceann
An Ard-Reachtair Cuntas agus Ciste
18 Nollaig 2023



AN tÚDARÁS RIALÁLA SEIRBHÍSÍ MAOINE

DEIMHNIÚ AN ARD-REACHTAIRE CUNTAS AGUS CISTE

Aguisín a ghabhann leis an tuarascáil

Freagrachtaí an Údaráis

Leagtar amach freagrachtaí chomhaltaí an Údaráis sa ráiteas rialachais agus i dtuarascáil chomhaltaí an Údaráis. Tá comhaltaí an Údaráis freagrach as

- ráitis airgeadais a ullmhú ar an mbealach a fhorordaítear faoi alt 22 den Acht um Sheirbhísí Maoine (Rialáil), 2011
- a chinntiú go dtugann na ráitis airgeadais léargas ceart ar airgead a fuarthas nó a caitheadh sa bhliain 2022, agus ar an staid airgeadais amhail an Déardaoin 31 Nollaig 2022 de réir na mbeartas cuntasaióchta atá leagtha amach sna ráitis airgeadais
- oiriúnacht maidir le húsáid a bhaint as bonn cuntasaióchta an ghnóthais leantaigh a mheas, agus
- rialú inmheánach dá leithéid a chinneann siad atá riachtanach d'fhonn ráitis airgeadais a ullmhú atá saor ó mhíríteas ábhartha, cibé mar thoradh ar chalaiois nó earráid.

Freagrachtaí an Ard-Reachtair Cuntas agus Ciste

Éilítear orm faoi alt 22 den Acht ráitis airgeadais an Údaráis Rialála Seirbhísí Maoine a iniúchadh agus tuairisciú ina leith chuig Tithe an Oireachtais.

Is é an cuspóir atá agam agus an t-iniúchadh á chur i gcrích agam ná teacht ar dhearbhu réasúnach ar cibé an bhfuil na ráitis airgeadais tríd is tríd saor ó aon mhíríteas ábhartha mar thoradh ar chalaiois nó earráid. Is ionann dearbhú réasúnach agus leibhéal ard dearbhaite ach ní hionann é is barántas go dtiocfar i gcónaí, le linn iniúchadh a dtugtar faoi de réir na ISAnna ar mhíríteas ábhartha nuair is ann dóibh. D'fhéadfadh míráitis eascairt ó chalaiois nó ó earráid agus meastar iad a bheith ábhartha má tá ionchas réasúnach ann go n-imreoidh siad, astu féin nó le chéile, tionchar ar chinntí eacnamaíochta úsáideoirí a dhéantar bunaithe ar na ráitis airgeadais seo.

Mar chuid d'iniúchadh de réir na ISAnna, cuirim breithiúnas gairmiúil i bhfeidhm agus cloím le sceipteachas gairmiúil i rith an iniúchta. Lena linn sin déanaim,

Na rioscaí a bhaineann le míráiteas ábhartha ar na ráitis airgeadais, cibé acu atá sé mar thoradh ar chalaiois nó earráid a shainathint agus a mheas; nósanna imeachta iniúchta a leagan amach agus a chur i gcrích atá freagrúil do na rioscaí sin; fianaise iniúchóireachta a fháil atá leordhóthanach agus ábhartha chun bonn a chur faoi mo thuairim. Tá riosca níos mó ann nach dtiocfar ar mhíríteas ábhartha mar gheall ar chalaiois seachas mar gheall ar earráid, ós rud é go bhféadfadh claonpháirteachas, brionnú, easnaimh d'aon turas, mífhaisnéis nó rialú inmheánach a shárú a bheith i gceist.

Tuiscint a fháil ar rialú inmheánach a bhaineann leis an iniúchadh d'fhonn nósanna imeachta iniúchta a leagan amach atá oiriúnach sna himthosca, ach gan chun críche tuairim a chur in iúl maidir le héifeachtúlacht na rialuithe inmheánacha.

Oiriúnacht na mbeartas cuntasaióchta a úsáidtear agus réasúnacht na meastachán cuntasaióchta agus na nochtuithe ábhartha a mheas.

Oiriúnacht maidir le húsáid a bhaint as bonn cuntasaióchta an ghnóthais leantaigh a chinneadh, bunaithe ar an bhfianaise iniúchóireachta a fuarthas, maidir le cibé acu a bhfuil éiginnteacht ábhartha ann nó nach bhfuil a bhaineann le himeachtaí nó coinníollacha a d'fhéadfadh

amhras suntasach a chaitheamh ar chumas an Údaráis Rialála Seirbhísí Maoine leanúint mar ghnóthas leantach. Má chinneim go bhfuil éiginnteacht ábhartha ann, tá sé de cheanglas orm aird a tharraingt i mo thuarascáil ar na nochtuithe ábhartha atá sna ráitis airgeadais, nó mura leor nochtuithe dá leithéid, mo thuairim a mhionathrú. Tá mo chonclúidí bunaithe ar an bhfianaise iniúchóireachta a fuarthas suas go dtí dáta mo thuarascála. Ach mar sin féin, d'fhéadfadh imeachtaí nó coinníollacha amach anseo a bheith mar chúis leis an Údarás Rialála Seirbhísí Maoine scor de bheith ag feidhmiú mar ghnóthas leantach.

Cur i láthair, struchtúr agus ábhar ginearálta na ráiteas airgeadais a mheas, lena n-áirítear nochtuithe, agus cibé an léiríonn nó nach léiríonn na ráitis airgeadais na hidirbhearta bunúsacha agus na himeachtaí ar bhealach trína mbaintear amach cur i láthair atá cothrom.

Déanaim teagmháil leosan a leagtar de chúram orthu rialachas maidir le, i measc ábhair eile, scóip agus tráthúlacht an iniúchta agus fionnachtana suntasacha an iniúchta, lena n-áirítear aon easnaimh shuntasacha sa rialú inmheánach a shainainním le linn m'iniúchta.

Faisnéis seachas na ráitis airgeadais

Ní bhaineann mo thuairim a thugaim ar na ráitis airgeadais le haon fhaisnéis eile a ndéantar a chur i láthair sna ráitis sin, agus ní thugaim aon deimhniú conclúideach de chineál ar bith ina leith.

Maidir le m'iniúchadh ar na ráitis airgeadais, tá sé de cheanglas orm faoi na ISAnna an fhaisnéis eile a chuirtear i láthair a léamh agus lena linn sin a bhreithniú cibé an bhfuil an fhaisnéis eile ag teacht go hábhartha leis na ráitis airgeadais nó le heolas a fuarthas le linn an iniúchta nó sin an léir go bhfuil míráiteas ábhartha i gceist. Má shocraím, bunaithe ar an obair atá déanta agam, go bhfuil míráiteas ábhartha i gceist san fhaisnéis eile seo, éilítear orm tuairisciú ina leith sin.

Tuairisciú ar ábhair eile

Déanaim m'iniúchadh trí thagairt a dhéanamh do bhreithnithe speisialta a ghabhann le comhlachtaí Stáit maidir lena mbainistíocht agus lena n-oibríocht. Tuairiscím má fhaighim nithe ábhartha ann a bhaineann leis an tslí a ndearnadh gnó poiblí.

Lorgaim fianaise faoi rialtacht na n-idirbheart airgeadais le linn an iniúchta. Tuairiscím ar aon chás ábhartha nach bhfeidhmítear airgead poiblí chun na gcríoch dá bhfuil sé beartaithe, nó sa chás nach mbíonn na hidirbhearta ag teacht leis na húdaráis a dhéanann rialú orthu.

Tuairiscím trí eisceacht chomh maith más rud é, de réir mo thuairime,

nach bhfaighim an fhaisnéis agus na mínithe go léir a theastaíonn uaim chun m'iniúchadh a dhéanamh, nó

nach raibh taifid cuntasaióchta leordhóthanacha ann chun go bhféadfaí na ráitis airgeadais a iniúchadh go hiomchuí agus go réidh, nó nach bhfuil na ráitis airgeadais ag teacht leis na taifid chuntasaióchta.



AN tÚDARÁS RIALÁLA SEIRBHÍSÍ MAOINE

RÁITEAS MAIDIR LE hIONCAM AGUS CAITEACHAS AGUS CÚLCHISTÍ
IONCAIM COINNITHE DON bhLIAIN DAR CHRÍOCH AN 31 NOLLAIG 2022

Ioncam	Nótaí	2022 €	2021 €
Deontas Oireachtais	2	3,223,519	2,927,997
Acmhainní dílse	3	2,259,931	2,282,632
Ioncam Iomlán		5,483,450	5,210,629
Caiteachas			
Costais foirne	4	2,018,739	1,491,578
Riarachán, oibríochtaí agus cur chun cinn	5	1,211,742	1,391,457
Táille iniúchta		16,600	15,100
Dímheas	6	28,614	60,234
Caiteachas iomlán		3,275,695	2,958,369
Barrachas don bliain roimh leithreasuithe		2,207,755	2,252,260
Aistriú ón gCuntas Caipitil	7	28,614	60,234
Curtha ar ais chuig an Roinn Dlí agus Cirt	1(b)	(2,210,000)	(2,250,000)
Barrachas don bhliain tar éis leithreasuithe		26,369	62,494
Barrachas a tugadh ar aghaidh amhail an 1 Eanáir		176,018	113,524
Barrachas a tugadh ar aghaidh amhail an 31 Nollaig		202,387	176,018

Áirítear na gnóthachain agus cailteanais go léir a aithníodh sa bhliain sa Ráiteas maidir le hIoncam agus Caiteachas agus Cúlchistí Ioncaim Coinnithe. Is cuid dhílis de na ráitis airgeadais seo iad an Ráiteas maidir le Sreabhadh Airgid agus na nótaí 1 go dtí 15.

Thar ceann an Údaráis Rialála Seirbhísí Maoine

Maeve Hogan Uas., Príomhoifigeach Feidhmiúcháin:

Dáta: 12 Nollaig 2023

An tUasal Michael Quinlan, Cathaoirleach:

Dáta: 12 Nollaig 2023



AN tÚDARÁS RIALÁLA SEIRBHÍSÍ MAOINE

RÁITEAS MAIDIR LE STAID AIRGEADAIS
AMHAIL AN 31 Nollaig 2022

	Nótaí	2022 €	2021 €
Sócmhainní Seasta			
Maoin innealra agus trealamh	6	24,591	53,205
Sócmhainní reatha			
Airgead tirim agus coibhéisí airgid		136,028	111,600
Fardal	8	28,270	37,995
Infháltais agus réamhíocaíochtaí	9	119,830	124,643
		<u>284,128</u>	<u>274,238</u>
Dliteanais reatha			
Suimeanna Iníoctha agus fabhruithe	10	<u>(81,741)</u>	<u>(98,220)</u>
Glansócmhainní reatha		202,387	176,018
Glansócmhainní Iomlána		<u>226,978</u>	<u>229,223</u>
A Ionadaíonn do			
Cuntas Caipitil	7	24,591	53,205
Cúlchistí ioncaim coinnithe		202,387	176,018
		<u>226,978</u>	<u>229,223</u>

Is cuid dhílis de na ráitis airgeadais seo iad an Ráiteas maidir le Sreabhadh Airgid agus na nótaí 1 go dtí 15.

Thar ceann an Údaráis Rialála Seirbhísí Maoine

Maeve Hogan Uas., Príomhoifigeach Feidhmiúcháin:

Dáta: 12 Nollaig 2023

An tUasal Michael Quinlan, Cathaoirleach:

Dáta: 12 Nollaig 2023



AN tÚDARÁS RIALÁLA SEIRBHÍSÍ MAOINE
RÁITEAS MAIDIR LE SREABHADH AIRGID
DON BHLIAIN DAR CHRÍOCH AN 31 NOLLAIG 2022

Glan-sreabhadh airgid ó Ghníomhaíochtaí Oibriúcháin	2022	2021
	€	€
Barrachas Oibriúcháin don bhliain	26,369	62,494
Dímheas ar mhaoín, fearas agus trealamh	28,614	60,234
Glanaistriú chuig cuntas caipitil	(28,614)	(60,234)
Laghdú/ (Méadú) ar fhardail	9,725	(404)
Laghdú / (Méadú) ar infháltais agus réamhíocaíochtaí	4,813	(104,964)
(Laghdú) / Méadú ar shuimeanna iníochta agus fabhruithe	(16,479)	25,816
	<hr/>	<hr/>
Insreabhadh / (eis-sreabhadh) nua Airgid ó Ghníomhachtaí Oibríochta	24,428	(17,058)
Sreabhadh airgid ó ghníomhaíochtaí infheistíochta Íocaíochtaí chun maoín, fearas agus trealamh a fháil	-	-
Méadú / (Laghdú) ar Airgead Tirim agus Coibhéis Airgid Thirim	24,428	(17,058)

Ráiteas maidir le hathruithe i nglanchistí

Glanchistí amhail an 1 Eanáir	111,600	128,658
Glanchistí amhail an 31 Nollaig	136,028	111,600
(Glan-Easnamh) / Glan-Bharrachas ar airgead tirim agus coibhéis airgid thirim	<hr/>	<hr/>
	24,428	(17,058)

Is cuid dhílis de na ráitis airgeadais seo iad na nótaí 1 go dtí 15.

Thar ceann an Údaráis Rialála Seirbhísí Maoine

Maeve Hogan Uas., Príomhoifigeach Feidhmiúcháin:

Dáta: 12 Nollaig 2023

An tUasal Michael Quinlan, Cathaoirleach:

Dáta: 12 Nollaig 2023



AN tÚDARÁS RIALÁLA SEIRBHÍSÍ MAOINE

NÓTAÍ A GHABHANN LEIS NA RÁITIS AIRGEADAIS DON BHLIAIN DAR CHRÍOCH AN 31 NOLLAIG 2022

1. Beartais Chuntasaíochta

a) Tá an bunús cuntasaíochta agus na beartais chuntasaíochta shuntasacha atá glactha ag an Údarás Rialála Seirbhísí Maoine leagtha amach thíos. Cuireadh i bhfeidhm go seasta iad i rith na bliana agus sa bhliain roimhe sin.

b) Eolas Ginearálta

Bunaíodh an tÚdarás Rialála Seirbhísí Maoine faoin Acht um Sheirbhísí Maoine (Rialáil), 2011. Tá an cheannoifig lonnaithe ag Foirgnimh na Mainistreach, Bóthar na Mainistreach, An Uaimh, Co. Na Mí, C15 K7PY. Is iad a leanas príomhchuspóirí an Údaráis Rialála Seirbhísí Maoine mar a leagtar amach in Alt 11 den Acht um Sheirbhísí Maoine (Rialáil), 2011:

- Ceadúnais a eisiúint agus a athnuachan;
- Clár Ceadúnaithe a chothabháil;
- Riachtanais cháilitheachta agus riachtanais eile a fhorfheidhmiú;
- Caighdeáin lena n-áirítear caighdeáin theicniúla agus caighdeáin eiticiúla chuí a fhorfheidhmiú;
- An Ciste a Riar;
- Córas a riar chun imscrúdú a dhéanamh ar cheadúnaithe;
- Mion-smachtbhannaí nó mór-smachtbhannaí a fhorchur ar cheadúnaithe;
- Iarratas a dhéanamh chuig an Ard-Chúirt chun mór-smachtbhannaí a fhorchur ar cheadúnaithe a dheimhniú;
- Feasacht an phobail a chur chun cinn agus faisnéis a scaipeadh ar an bpobal i ndáil le seirbhísí maoine;
- Cóid Chleachtais a chur chun cinn;
- An tAire a choinneáil ar an eolas faoi fhorbairtí maidir le ceadúnaithe a bheith ag soláthar seirbhísí maoine ag ceadúnaithe agus cuidiú leis an Aire beartas a chomhordú agus a fhorbairt ina leith sin;
- Sonraí maidir le praghsanna díola maoine cónaithe a fhoilsiú;
- An Bunachar Sonraí Léasanna Tráchtála a chothabháil; agus
- Aon fheidhmeanna eile tugtha dó ag aon fhoráil den Acht nó in aon achtachán eile nó ag rialacháin a ndéantar faoin Acht nó aon achtachán eile a chomhlíonadh.

Is Eintiteas Leasa Phoiblí (PBE) é an tÚdarás Rialála Seirbhísí Maoine.

Déantar na táillí ceadúnas a ghineann an tÚdarás a íoc isteach sa Státchiste agus ansin déanann an Státchiste foráil airgeadais don Údarás. Deirtear in Alt 25(3) den Acht go mbeidh an méid iomlán de na táillí a ghearrtar go bliantúil faoin Acht seo, ag leibhéal chomh gar agus is féidir, ag cur bliain amháin le bliain eile, ionann leis an gcaiteachas iomlán a thabhaítear go bliantúil i ndáil leis an Acht seo a riar. In 2022, d'íoc an tÚdarás €2,210,000 ar an Státchiste agus fuair sé foráil airgeadais €3,223,519 (féach nóta 2).

Ceanglaítear faoi Alt 77(1) den Acht ar an Údarás ciste ar a dtugtar an Ciste Cúitimh um Sheirbhísí Maoine a bhunú, a riar agus a chothabháil. Ullmhaítear agus iniúchtar cuntais an Chiste ar leithligh de réir Sceideal 6 den Acht.



AN tÚDARÁS RIALÁLA SEIRBHÍSÍ MAOINE

NÓTAÍ A GHABHANN LEIS NA RÁITIS AIRGEADAIS DON BHLIAIN DAR CHRÍOCH AN 31 NOLLAIG 2022

c) Bunús Cuntasaíochta

Ullmhaíodh ráitis airgeadais an Údaráis Rialála Seirbhísí Maoine don bhliain dar chríoch an 31 Nollaig 2022 de réir na mbeartas cuntasaíochta a leagtar amach thíos, agus san fhoirm a fhaomhfaidh an tAire Dlí agus Cirt le toiliú ón Aire Caiteachais Phoiblí, Sheachadadh PFN agus Athchóirithe.

d) Ioncam

Ioncam a aithnítear sna ráitis airgeadais faoi dheontas Oireachtais arbh ionann é agus maoiniú a cuireadh ar fáil don Údarás trí Vóta na Roinne Dlí agus Cirt a dhéanann gach íocaíocht thar ceann an Údaráis. Meaitseálann ioncam deontais an Oireachtais agus ioncam a cuireadh i bhfeidhm maidir le caiteachas caipitil an tsuim a chuirtear in aghaidh chuntais leithreasa na Roinne.

Déantar an t-ioncam ón táille ceadúnais a áireamh ar iarratas ceadúnais a fháil. Cuirtear ioncam ó tháillí ceadúnais ar ais chuig an Roinn Dlí agus Cirt go rialta. Déantar é a thairfeadh mar leithreasaí i gcabhair i gcuntais de chuid na Roinne. Coinníonn an tÚdarás iarmhéid ina chuid cuntas chun táillí a aisíoc.

e) Caiteachas

Déantar an caiteachas uile, párolla san áireamh, a thairfeadh ar bhonn fabhrúithe sna ráitis airgeadais.

Tá gach ball d'fhoireann an Údaráis ar iasacht ón Roinn Dlí agus Cirt. Déanfar dliteanas pinsin d'fhoireann den sórt sin a sheasamh as Vóta 12 Aoisliúntas agus níl aon fhoráil déanta i ndáil leis na costais seo sna ráitis airgeadais.

f) Maoin, Fearas agus Trealamh

Léirítear maoin, fearas agus trealamh ar an nglanluach leabhair ar dháta an aistrithe chuig an Údarás.

Déantar dímhéas ar mhaoin, fearas agus trealamh ar bhonn líne dírí thar a saol úsáideach measta ag tosú sa chéad mhí a gcuirtear an tsócmhainn i bhfeidhm.

Troscán	10% de réir na Líne Dírí
Crua-earraí agus Bogearraí TF	20% de réir na Líne Dírí
Trealamh Oifige	20% de réir na Líne Dírí

g) Fardal

Aithnítear fardail atá comhdhéanta d'earraí nach bhfuil le hathdhíol ag an gcostas is ísle de chostas agus an glanluach inréadaithe (NRV). Déantar costas a ríomh ar bhonn is túisce isteach is túisce amach (FIFO) agus áirítear gach costas ceannaigh. Is é NRV an praghas díola (iarmhír nó measta) lúide gach costas breise riachtanach lena thabhairt chun críche.



AN tÚDARÁS RIALÁLA SEIRBHÍSÍ MAOINE

NÓTAÍ A GHABHANN LEIS NA RÁITIS AIRGEADAIS
DON BHLIAIN DAR CHRÍOCH AN 31 NOLLAIG 2022

h) Cuntas Caipitil

Is ionann an cuntas caipitil agus an luach ioncaim neamhamúchta a úsáidtear do chaiteachas caipitil.

i) Sochair d’Fhostaithe

Sochair Ghearrthéarmacha

Aithnítear sochair ghearrthéarmacha, mar saoire le pá mar chostas sa bhliain, agus áirítear sochair a thabhaítear ag deireadh na bliana sa bhfigiúr 'caiteachas' sa Ráiteas maidir le Staid Airgeadais.

Sochair Scoir

Is státseirbhísiú iad fostaithe an Údaráis Rialála Seirbhísí Maoine agus tá siad ina gcomhaltaí de scéim sochair shainithe neamh-mhaoinithe agus déanann an Roinn Caiteachais Phoiblí, Sheachadadh PFN agus Athchóirithe an scéim a riaradh.

Rinneadh dlí d'Acht na Seirbhíse Poiblí (Scéim Aonair agus Forálacha eile) 2012 an 28 Iúil 2012 agus leis sin tugadh isteach an Scéim Pinsean Seirbhíse Poiblí Aonair ('An Scéim Aonair') a tháinig i bhfeidhm an 01 Eanáir 2013. Tá gach ball foirne den Údarás Rialála Seirbhísí Maoine, a bheadh ag obair san earnáil phoiblí den chéad uair, ar nó i ndiaidh an 01 Eanáir 2013 ina chomhalta ar an Scéim Aonair.

Níl aon mhuirear sna ráitis airgeadais d'aon dliteanas a d'fhéadfadh eascairt as sochair scoir an Údaráis Rialála Seirbhísí Maoine.

2 Deontas Oireachtais

	2022	2021
	€	€
Fo-mhírcheann A11 de Vóta 24 - Dlí agus Ceart	3,223,519	2,927,997

3 Acmhainní Dílse

	2022	2021
	€	€
Ioncam faighte ó tháillí ceadúnais	2,291,115	2,363,050
Lúide aisíocaíochtaí	(70,600)	(90,450)
Ioncam Ilchineálach	39,416	10,032
Ioncam Iomlán	2,259,931	2,282,632

Ní mór do Cheantálaithe, gníomhairí eastáit, gníomhairí ligin agus gníomhairí bainistíochta a bheith ceadúnaithe agus rialaithe ag an Údarás. Tá táillí ceadúnais le híoc gach bliain. Rinne an tÚdarás Rialála Seirbhísí Maoine i bhfeidhmiú na gcumhachtaí a tugadh dó faoi alt 95 den Acht um Sheirbhísí Maoine (Rialáil), 2011 le toiliú ón Aire Dlí agus Cirt rialacháin a tháinig i bhfeidhm an 30 Bealtaine 2012. San Acht um Sheirbhísí Maoine (Rialáil), 2011 (Ceadúnúchán) Rialacháin 2012 leagtar amach an táille a bhaineann le ceadúnas a eisiúint nó a athnuachan: fostóir seirbhísí maoine €1,000, conraitheoir neamhspleách €1,000 agus príomhoifigeach nó fostaí €100.



AN tÚDARÁS RIALÁLA SEIRBHÍSÍ MAOINE

NÓTAÍ A GHABHANN LEIS NA RÁITIS AIRGEADAIS
DON BHLIAIN DAR CHRÍOCH AN 31 NOLLAIG 2022

4. Tuarastail

(a) Sochar Comhiomlán d'Fhostaithe

	2022 €	2021 €
Pá agus tuarastail	2,014,158	1,491,263
Taisteal agus cothabháil	4,581	315
Iomlán	2,018,739	1,491,578

D'fhostaigh an tÚdarás 39.9 ball foirne buana coibhéis lánaimseartha in 2022 (2021: 36.5) agus cúigear ball foirne sealadach (Oifigeach Cléireachais Sealadach) in 2022 (2021: 3).

Ní raibh aon ró-íocaíochtaí ann amhail an 31 Nollaig 2022 ná an 31 Nollaig 2021.

Miondealú ar Shochair

(b) **d'Fhostaithe**

Raon de Shochair d'Fhostaithe

Iomlána		Líon na bhFostaithe	
Ó	Go	2022	2021
€60,000	€69,999	3	1
€70,000	€79,999	2	1
€80,000	€89,999	-	-
€90,000	€99,999	-	-
€100,000	€109,999	-	1
€110,000	€119,999	1	-

Nóta: Chun críocha an nocht seo, áirítear sochair ghearrthéarmacha fostaithe maidir le seirbhísí a soláthraíodh le linn na tréimhse tuairiscithe, liúntais ragoibre agus íocaíochtaí eile déanta thar ceann an fhostaí ach ní áirítear ÁSPC an fhostóra.

(c) **Luach saothair an Phríomhoifigigh Feidhmiúcháin**

Ba €111,001 (€106,602 in 2021) luach saothair an Phríomhoifigigh feidhmiúcháin don bhliain dar chríoch an 31 Nollaig 2022. Rinneadh €317 d'íocaíochtaí Taistil agus Cothabhála (€0 in 2021) leis an bPríomhoifigeach feidhmiúcháin i gcomhréir le rátaí na Státseirbhíse le linn na bliana 2022.

Ní théann teidlíochtaí pinsin an Phríomhoifigigh Feidhmiúcháin thar na teidlíochtaí caighdeánacha i scéim aoisliúntais shainithe na hearnála poiblí. Ní dhearnadh aon íocaíochtaí i gcoibhneas le feidhmíocht ar an bPríomhoifigeach Feidhmiúcháin in 2022.



AN tÚDARÁS RIALÁLA SEIRBHÍSÍ MAOINE
NÓTAÍ A GHABHANN LEIS NA RÁITIS AIRGEADAIS
DON BHLIAIN DAR CHRÍOCH AN 31 NOLLAIG 2022

5 Riarachán, Oibríochtaí agus Cur chun cinn

	2022	2021
	€	€
Táillí na gComhaltaí		
Boird ¹	53,984	48,040
Postas agus teileachumarsáid	80,239	53,570
Innealra oifige agus soláthairtí eile oifige ²	292,547	126,642
Glantachán oifige agus cothabháil	23,464	11,505
Solas agus Teas	13,582	5,109
Táillí dlí	196,250	183,818
Margaíocht agus Cur Chun Cinn	222,246	487,461
Seirbhísí ar Conradh	267,714	378,836
Sainchomhairleoireacht AD	-	29,828
Táillí bainc agus ceadúnúcháin	25,503	37,321
Foilseacháin agus Tuarascálacha	7,815	3,686
Costais ghinearálta	20,312	17,726
Táillí cuntasaíochta	8,086	7,915
	1,211,742	1,391,457

Tabhair ar aird: ¹Bunaíodh an tÚdarás Rialála Seirbhísí Maoine an 3 Aibreán 2012. Áirítear miondealú ar na táillí a íocadh ar chomhaltaí boird aonair in 2022 sa ráiteas rialachais ar na ráitis airgeadais seo.

²San áireamh in Innealra oifige agus soláthairtí eile oifige, tá na costais a bhaineann le forbairt, tástáil agus síntiúis an ardáin nua iarratais ceadúnais ar líne psralicences.ie.

6 Maoin, Fearas agus Trealamh

	TF	Trealamh Oifige	Troscán	Iomlán
	€	€	€	€
Costas				
Amhail an 01 Eanáir 2022	348,925	22,768	25,325	397,018
Amhail an 31 Nollaig 2022	348,925	22,768	25,325	397,018
Dímheas carntha				
Amhail an 01 Eanáir 2022	305,626	18,459	19,728	343,813
Gearrtha le linn na bliana	25,820	1,599	1,195	28,614
Amhail an 31 Nollaig 2022	331,446	20,058	20,923	372,427
Glanluach de réir na Leabhar				
Amhail an 31 Nollaig 2022	17,479	2,710	4,402	24,591
Amhail an 31 Nollaig 2021	43,299	4,309	5,597	53,205

Tabhair ar aird: Is féidir leis an Údarás Rialála Seirbhísí Maoine úsáid a bhaint i gcónaí as 89 (101:2021) sócmhainn innealra agus trealamh a bhfuil glanluach leabhair €4,803 (€9,886:2021) acu an 31 Nollaig 2022 atá íoctha ag an Roinn Dlí agus Cirt agus iad luaite mar shócmhainní ina gcuntas leithreasa. Maidir leis na 101 sócmhainn innealra agus trealamh an 31 Nollaig 2021, tugadh 26 ceann de na sócmhainní sin ar ais chuig an Roinn Dlí agus Cirt agus cuireadh 14 shócmhainn nua ina n-áit in 2022.



AN tÚDARÁS RIALÁLA SEIRBHÍSÍ MAOINE

NÓTAÍ A GHABHANN LEIS NA RÁITIS AIRGEADAIS
DON BHLIAIN DAR CHRÍOCH AN 31 NOLLAIG 2022**7 Cuntas Caipitil**

	2022	2021
	€	€
Iarmhéid amhail an 1 Eanáir	53,205	113,439
Amúchadh i gcomhréir le dímheas	(28,614)	(60,234)
	24,591	53,205

8 Fardal

	2022	2021
	€	€
Stáiseanóireacht	16,896	21,011
Fótachóipeáil / TF	9,173	13,660
Earraí Ilghnéitheacha	2,201	3,324
	28,270	37,995

9 Féichiúnaithe agus Réamhíocaíochtaí

	2022	2021
	€	€
Réamhíocaíochtaí	119,830	124,643
	119,830	124,643

Tá gach infháltas dlite laistigh de bhliain

10 Suimeanna Iníochtha agus Fabhruithe

	2022	2021
	€	€
Suimeanna Iníochtha agus Fabhruithe	81,741	98,220
	81,741	98,220

Tá téarmaí na bhfabhruithe bunaithe ar na conarthaí bunúsacha.



AN tÚDARÁS RIALÁLA SEIRBHÍSÍ MAOINE

NÓTAÍ A GHABHANN LEIS NA RÁITIS AIRGEADAIS DON BHLIAIN DAR CHRÍOCH AN 31 NOLLAIG 2022

11 Tobhach Pinsin

Is iad na costais tuarastail a n-áirítear sa chuntas seo costais chomhlána an Údaráis don tréimhse. Íocann an Roinn Dlí agus Cirt tuarastail thar ceann an Údaráis. Déanann an Roinn asbhaintí tobhaigh pinsin, de réir Alt 2(3) den Acht um Bearta Airgeadais Éigeandála ar Mhaithe le Leas an Phobail, 2009 (Uimh. 5 de 2009). Coinnítear mar Leithreasaí-i-gcabhair don Roinn sin iad agus b'ionann iad agus €38,631 (2021: €26,572).

12 Áitribh

Tá ceannoifig an Údaráis lonnaithe ag Foirgnimh na Mainistreach, Bóthar na Mainistreach, An Uaimh, Co. na Mí, C15 K7PY agus chun gearáin a fhiosrú, ón oifig lonnaithe in Cearnóg an Easpaig, Baile Átha Cliath, D02 TD99. Cuireann Oifig na nOibreacha Poiblí an dá oifig ar fáil saor in aisce.

13 Dlíteanais Theagmhasacha

Tá an tÚdarás Rialála Seirbhísí Maoine páirteach i roinnt cásanna dlí ag deireadh na bliana airgeadais. Níl an tÚdarás ábalta meastachán iontaofa a dhéanamh ar an tionchar airgeadais a d'fhéadfadh a bheith i gceist mar thoradh ar na cásanna seo.

14 Idirbhearta Le Páirtí Gaolmhar / Nochtadh Leasanna

Is iad atá i bPríomhphearsanra Bainistíochta ná an Príomhoifigeach Feidhmiúcháin agus comhaltaí an Údaráis. B'ionann an cúiteamh iomlán a íocadh le príomhphearsanra bainistíochta, lena n-áirítear táillí chomhaltaí an Údaráis agus luach saothair iomlán an Phríomhoifigigh Feidhmiúcháin agus €165,975 (2021: €153,935).

Comhlíonann an tÚdarás Rialála Seirbhísí Maoine an Cód Cleachtais chun Comhlachtaí Stáit a Rialú (2016) arna eisiúint ag an Roinn Airgeadais maidir le nochtadh leasanna ag comhaltaí an Údaráis agus a fhoirne. Tá nósanna imeachta foirmiúla ann lena chinntiú go gcomhlíonfar an ceanglas seo den chód. Ní raibh aon idirbheartaíochtaí ann le páirtithe gaolmhara sa bhliain 2022.

15 Na ráitis airgeadais a cheadú

Cheadaigh Údarás an Údaráis Rialála Seirbhísí Maoine na cuntais seo an 4 Nollaig 2023.